



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

In festo SS. Apostolorum Philippi & Iacobi minoris. De vita SS. Philippi &
Iacobi.

[urn:nbn:de:hbz:466:1-60091](https://nbn-resolving.org/urn:nbn:de:hbz:466:1-60091)

In festo SS. Apostolorum Philip-
pi & Iacobi minoris. 1. Maij.

De vita SS. Philippi & Iacobi.

I. **E**Xpende quam suaviter vterque
& efficaciter à Christo ad mune-
ris Apostolici sublimitatem, vti ab æ-
terno prædestinatus erat, in tempore
sit vocatus, ijsque dotibus, quæ ad
respondendum tantæ gratiæ requi-
rebantur, ornatus: quam benignè
triennio à cœlesti illo Magistro ad
omnem perfectionem formatus, my-
steria fidei edoctus, atque ad amorem
crucis & tribulationis animatus. O
quam suaviter, efficaciter, mirabili-
ter ad se agnoscendum, amandum, &
sequendum omnes trahit is, qui est
via, veritas, & vita, quotquot ad in-
signem gratiæ & gloriæ gradum præ-
destinavit, idque ex quam gratuita
misericordia & dignatione! Annon &
te simili ratione ad se traxit, & nunc
trahit! Gratitude, amor, zelus gratiæ
oblatae cooperandi.

II. Quam præclare vterque acceptis

X x 5

Apo-

Apostolicæ gratiæ talentis cooperari contenderit: Philippus quidē 1. Eximium animi candorem in omnibus præ se ferendo, absque fūco & dolo eum Christo & hominibus agendo, sincereque diuinum obsequium intendendo. 2. Magno zelo gloriæ Deique quam plurimos e Scythis, Phrygiisque, ad quos destinatus erat, ad lumen veritatis secum agnosendum perducere conando. 3. Inuictō animi robore pro Magistri sui crucifixi honore defendendo, Hierapoli Phrygiæ se crucifigendum, lapidibusque obruendum Barbaris offerendo. Iacobus verò 1. Eximiam vitæ innocentiam cum stricta à carne & vino abstinentia, à puero vsque nonagesimum sextum ætatis annum coniungendo. 2. Ardua longaque precandi consuetudine genibus callum instar camelii obducendo. 3. Primitiuam Hierosolymis Ecclesiam triginta annis sanctissimè ad omnem pietatem informando & administrando, tandemque pro defensione gloriæ Christi, & prædicata à se fidei sanguinem fundere gestiendo. 4. Dum e templi fastigio deiectus cruribus fractis seminibus iaceret, manibus ad cœlam leuatis pro-

inimicis orando: *Ignosce eis Domine,*
quia nesciunt quid faciunt, usque dum
 fullonis fuste grauiter percussio capite,
 animam Deo reddidit. Congratula-
 tio, gratiarum actio pro collata illis
 hac faciendi & patiendi gratia, & ze-
 lus æmulandi.

III. Quàm peculiaribus Deus, san-
 ctos vtriusque labores, molestias, cru-
 ciatusque amore sui toleratos remu-
 nerarit: In hac quidem vita tantis fa-
 uoribus, solatijs, miraculis; In altera
 tantis gloriæ essentialis & accidenta-
 lis prærogatiuis. Congratulatio, spes
 gloriæ, feruor eandem sanctè viuendo
 acquirendi.

In Festo Inventionis S. Crucis.

3. Maij.

De Euangelio Festi Ioan. 3. vide 4 part.
med. post Trinit. hebd. 5. medit. 5. de Nico-
demo.

In Festo B. Aloysij Gonzagæ So- 21. Ianij.
 cietatis I E S V.

De vita eiusdem B. Aloysij.

I. **E**Xpende admirandam Dei boni-
 tatē in B Aloysio in tam peculiari-

XX 6

rena